

Powšitkowne WOZJEWJENJA

njedźelu, 13. meje 2018

Serb dóstanje měšniku swjećiznu

Biskop Heinrich Timmerevers wudźěli sobotu, 19. meje, w 10 hodź. na Božej mši w Drježdźanskej katedrali dwěmaj diakonomaj měšniku swjećiznu. Jedyn z njeju je dr. Jens Buliš z Chrósćic. Wšitcy wěriwi su na tutu Božu mšu přeprošeni a měli so za njeju kaž tež powšitkownje wo duchowny dorost modlić. Swoju primicu změje dr. Jens Buliš swjatkowničku, 20. meje, w 9 hodź. w Chróšćanskej cyrkwi.

Duchowna hudźba

Prěni lětuši koncert w rjedže Duchowna hudźba w Budyskej tachantskej cyrkwi swjateho Pětra budže tutu njedźelu, 6. meje, we 18 hodź. Zahudža dujerjo Bratrowskeje wosady z Małeho Wjelkowa pod nawodom Siegfrieda Schneidera, na piščelach zahraje cyrkwinshudźbny direktor Friedemann Böhme. Wšitcy su wutrobnje přeprošeni, zastup je darmotny.

Ministrantska kopańca

Dekanatne dušepastyrstwo přeporučuje ministrantow ze serbskich wosadow na koparski turněr. Tutón wotměje so wutoru, 22. meje, w Pěskecach. Započatk budže w 9.00 hodź. z Božej mšu we wjesnej kapałce. Mustwa měli so hač do wutory, 15. meje, pod worklecy-kise@gmx.de abo pod telefonowym čisłom (03 57 96) 88 707 přizjewić. Hraje so małym polu we wobsadce 7:1.

Putnikowanje młodžiny

serbska dekanatna młodžina změje swoje lětuše putnikowanje njedźelu, 27. meje. Młodostni zetkaja so w 9 hodź. we Worklečanskej kapałce. W 9.15 hodź. woteńdu zhromadnje w procesionje do Róžanta. Boža mša z chórom a hudźbnikami budže w 10.30 hodź. w hnadownej cyrkwi. Po kemšach nawróća so młodostni w procesionje do Worklec, hdžež budže w Don Boskowym domje wobjed. Za putnikowanje zwučuje chór hišće raz sobotu, 12. meje, wot 10 do 12 hodź. w Chrósćicach na farje.

Wulět samostejacych

Wulět samostejacych ze serbskich wosadow budže štwórtk, 21. junija, a powjedže na hnadowne městno Krzeszów w Pólskej. Zajimcy njech so hač do pónđzele, 11. junija, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta w Posole wozjewja.

Dźělowej městnje w Radworju

W Katolskim serbskim dźěćacym domje „Alojs Andricki“ w Radworju, kotryž je w nošerstwje katolskeje wosady Marije kralowny róžowca, pytaja wot 1. awgusta kublarja abo kublarku, tež tajkich, kotřiž móhli so k tomu připódlu skwalifikować. Nimo toho ma so 1. decembra městno nawody abo nawodnicy tutoho dźěćaceho domu wobsadzić. Nadrobne wupisanje k tomu nańdu zajimcy pod www.posol.de.

Putnikowanje do Armenskeje a Georgiskeje

Za putniku jězbu z lětařom wot wutory, 12. junija, do njedzele, 24. junija, do Georgiskeje a Armenskeje su hišće někotre městna swobodne. Zajimcy měli so hač do njedzele, 13. meje, pola Maćija Hadanka w Hórkach, Sydlišćowy puć 2, přizjewić, telefonowej čisle (01 63) 7 33 82 05 abo (03 57 96) 9 54 28 (po 19 hodž.).

Nalětni koncert w klóšterskej zahrodže

Wšitkich zajimcow zbliska a zдалoka přeprašuje chór Lipa zhromadnje z Křescansko-socialnym kubłanskim skutkom na nalětni koncert, kotryž budže njedzeli, 27. meje, w 15.30 hodž. na zahrodže Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo z chórom Delnjoserbskeho džěćaceho a młodžinskeho ansambla z.t. Wot 15.00 hodž. poskića tam kofej a tykanc.

„Mjenje stresa – wjace wjesela“

W Domje biskopa Bena w Smochćicach ma so w třecim tydženju lětnich prózdnin wot póndzele do soboty, 16. do 21. julija, swójbny tydzeń pod temu „Mjenje stresa – wjace wjesela“ wotměć. Staršim z džěćimi wot třoch lět poskićuja tam móžnosć, we wšelakorych seminarach nastorki za wšedny dzeń w swójbje dóstać. Při tym póndže wo respektny kubłanski stil, wo wid na potřebnosće džěći a młodostnych kaž tež wo to, na kotre wašnje móža starši na mylace zadžerženske wašnja přiměrjenje reagować. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy pod telefonowym čislom (03 59 35) 2 23 17.